宋 元 學 案

安定兼溪門劉和明道弟 程頤 楊時別為龜山學案 呂希哲別為滎陽學案 呂大忠 呂大鈞 **於酢別為馬山學案** 謝良佐別爲上茶學案 李顏並爲劉李諸儒學案 呂大師並爲呂范諸儒學案 /。これは、から、五天 **孫暐別見和靖學案**

羅從陰別為豫章學案 楊辿別見趣山學菜 **拟胡安國**別為武夷學案 又九人見周許諸儒學案 又二十九人見到李諸儒學案 呂義山別見呂范諸儒學來 陳淵別為默堂學案 酒控別見范許諸儒學業 陳瓘 你告述 為原都計信學業 趙霄 張煇 ジュロショのは、一五支

蔡元康

おう見る名十六


羅柬 並見 和 等 學案

划子量別見到胡甫橋學案

潘安固並見馬許諸儒學案

並學趙 李 張 劉 伊 秦 復 簡 特 肅 所 曹 景

張載州為橫渠學集 牵維別 見范 呂諸儒學案 呂公者別為 方元案 **范祖禹別為華陽學案** 乐長文 別見泰山學案 司馬光川海水學素 业伊川講友 並伊川學侶父峻 医诸病學案 こことを会し五表 孫猜別見度澤學朱 會孫王 **育孫来別見劉胡諸儒**



胡周門 餘姚黃宗義原本 **鄭縣全祖望次定** 川學案上 小程子学者初稱廣平本 海溪亦不可謂非及門山 者信哉近伊川學案山工 九學案卷十五 一公程伊川先生頤 **矣蕺山先生訾 祖望莲柔大程子早卒向微小程子則洛學之** 男百家祭輯 大七年长年 五 世又案足 前 道州何紹基重刊 鄞縣王梓材頂校 **始素錄寫 發** 不利記之次。 大弟子谢兄過于其兄

問日 接賢士大夫之時多親宦官宮女之時少則氣質自然變化今 宗黜世俗之論以王道爲心游太學胡安定瑗試諸生以顛子 程願字正叔河南八明道先生之弟也年十八上書闕下勸 光呂申公公著共疏上其行義韶以爲西京國子監教授力辭 儒臣殆非古人旦夕承弼之意又言邇英閣迫隘乞就崇正延 和殷蒔瀔給事中顧隨以殷上講讀為不可先生日祖宗以來 **琴召赴闕擢県政殿訛書奏言輔養之道不可不至一日之中** 好何學得先生論大驚延見處以學職同學呂原明希哲即 師避事之治平熙與閱大臣屢薦皆不起哲宗初司馬溫公 講解釋數行為盆旣少又自四月罷講直至中秋不接 一些講仁宗始就邇英而講官立侍蓋從一 時之便耳

ちつだっちゃれー コ

或謂之日君之嚴視潞公之恭孰爲得失先生曰潞公四朝大 養備極苟不知學安能不為富貴所移且顏子王佐才也而 改其樂章門人或疑此章非有人君事也將何以為說及講旣 其為就常于文義之外反復推明歸之人主一日當講顏子 生在經經每當進講必宿齋豫戒潛思存誠襲以感動上意面 舉章何人復言日陋巷之士仁義在躬忘其貧賤人主崇高奉 非若臨之意也臨之意不過以奪君為說而不知尊君之道先 臣事幼主不得不恭吾以布衣職輔導亦不敢不自重也上 **食瓢飲季氏婚國之蠹也而富于周公督君用舍如此非後世** 2監乎聞者嘆服先生容貌莊嚴于上前不少假借時文潞 傳以太師平章重事侍立終日不懈上雖渝以少休不去也 アプロサラダーエ _^ ___

嫌名中人以黃綾覆之講畢進言曰人主之勢不患不尊患臣 **范堯夫人好死從問先生講說以而喚日眞侍講也士人歸其** 枝先生進日方春發生不可無故摧折講書有容字哲宗藩即 序變遷時思方切乞改質為慰旣除喪有司請開樂置宴先生 宮中漱水避蟻先生閘之問有是乎日然誠恐傷之爾先生日 蘇子膽軾在翰林有重名一時文士多歸之文士不樂拘檢迂 **个舊名嫌名皆勿復避神宗喪未除冬至百官表質先生言節** 顧陛下推此心以及四海則天下幸甚一 又言除喪而用吉禮當因事用樂今特設宴是喜之也呂申公 下尊之過甚而驕心生斷此皆近習養成之不可以不戒請自 者甚爲一人生亦以天下自任議論裦貶無所願避方是時 グラブ母ラネーコー 日講罷未退上折柳

感亂眾聽而尹焞張釋為之羽翼事下河南府體究盡逐學徒 宗即位移峽州復其官崇字二年范致虚言程頤以邪說詖行 復隸黨籍四方學者稻相從不舍先生曰尊所間行所知可矣 御經筵先生日上不御殿太皇太后不當獨坐且人主有疾大 家年七十五疾革門人進日先生平日所學正今日要用先生 臣可不知乎宰相始奏請問疾由是大臣亦多不悅諫議孔文 先生所為兩家門下迭起標杨遂分黨爲洛蜀會帝以瘡疹不 屢乞致仕董敦逸以為怨望去官紹聖閒黨論削籍鼠涪州徽 仲因奏先生爲五鬼之魁當放還田里遂出管句西京國子監 不必及吾門也五年復宣義郎致仕大觀元年九月庚午卒于 |道著用便不是先生為學本于至誠其見于言動事為之閒 /ここにまるが、ここに

歲之運 語錄 從配孔子廟庭明稱先儒程子傳四卷朱志作九卷 必潔致養其父細事必親贍給內外親黨八十餘口其接學者 則予不得讓馬嘉定十三年賜諡日正公淳祐元年封伊川伯 者之口尹和靖辯之明矣衣雖布素冠襟必整食雖簡儉蔬飯 日暮矣姑孰舍二 疏通簡易不爲矯異或說匍匐以弔 1能使人尊嚴師道者吾弟也若接引後學隨人才而成就之 **S嚴毅嘗瞑目靜坐游定夫楊龜山立侍不敢去久之乃顧日** 人之心即天地之心一物之理即萬物之理一日之運即 ララララキー 一子者退則門外雪深尺餘矣明道當謂日 3 喪誦孝經以追薦此出溕

窮也 得齒齊旣動則物之出者何可得齊從此參差萬變巧歷不能 天地之化旣是兩物必動己不齊聲之兩扇磨行便其齒齊 天地之化一 天地之化雖廓然無窮然而陰陽之度日月寒暑晝夜之變莫 不有常此道之所以為中庸 楊開沅謹案此卽天地之氣有過不及而人性之所謂相 楊開沅謹案此則天地之中氣所以萬古不易其大常而 有為則有己而人性亦不必云相近矣 近亦因之若動 人性之所以善也 息不畱疑其速也然寒暑之變甚漸 而齊則無過不及便是有心有心則有為

呉元之氣氣之所由生不與外氣相雜但以外氣酒養而已若 魚之在水魚之性 **后相軋便有火出非特木也蓋天地閒無** 元也若謂旣反之氣復將爲方伸之氣必資于此 元自能生氣所入之氣正當閥時隨之而入非假此氣以助 道出入之息者闔闢之機而已所出之息非所入之氣但這 居天地氣中與魚在水無異至于飲食之養皆是外氣酒養 擊之質 謂木石無火則鑽水擊土何以火不可得學者須具可鑽可 葉六桐日木后中火因鑽擊而始出非木后中本有火 木取火人 謂火生于木非也 命非是水為之但必以水涵養魚乃得生耳 兩物相戛用力極則腸生今以 ; 物無陰陽 心也然

季明問先生說喜怒哀樂未發謂之中是在中之義不識何意 **衰蹔則便有夜往則便有來天地中如洪爐何物不銷鑠** 將已涸之氣卻生水自然能生往來屈伸只是理也盛則便有 氣亦自然生生不窮至如海水陽盛而涸及陰盛而生亦不是 須假吸復入以為呼氣則自然生人氣之生生于貞元天地之 日只喜怒哀樂不發便是中也 逐之氣以為造化近取諸身其闔閘往來見之鼻息然不必 化不相似天地之化自然生生不窮更復何資于旣斃之形 其質雕氣無從見理以為有前後際便不是 楊開沅謹案喜怒哀樂之未發是中易以不字便不是 楊開沅蓮案往來屈伸是氣往而必來屈而必伸處是理 《未元學案卷十五 五》

之際觀之賢且說靜時如何日謂之無物則不可然自有知覺 時而不中以事言之則有時而中以道言之何時而不中日固 也復之卦下面 是所謂皆中然而觀于四者未發之時靜時自有一 旣謂之中也須有箇形象日當中之時耳無聞目無見否日 見天地之心惟某言動而見天地之心或日莫是于動上求靜 處日旣有知覺卻是動也怎生言靜人說復以靜見天地心非 至接物時又自別何也日善觀者不如此卻于喜怒哀樂已發 耳無聞目無見然見聞之理在始得曰中是有時而中否曰 日中莫無形體只是箇言道之題目否日非也中有甚形體然 **否日固是然最難釋氏多言定聖人便言止且如物之好便道** 畫便是動也安得謂之靜自古儒者皆言靜 般氣象及 雖 何

WILL ITAL IN

如為人君止于仁為人臣止于敬之類是也易之艮言止之義 怒哀樂未發之前下動字下靜字曰謂之靜則可然靜中須有 是定更無所爲然物之好惡亦是在裏故聖人只言止所謂: 是好物之惡便道是惡物之好惡關我這裏甚事若說道我 口艮其止也止其所也言随其所止而止之人多不能止蓋人 始得這裏便難處學者莫若且理會得敬能敬則自知此矣 .物皆備遇事時各因其心之所重者更互而出機見得這裏 便有這事出若能物各付物便是不出來也或日先生于喜 劉蕺山日未發前謂之靜否日非也謂之中〇先生于動字 靜字下不得一 [何以用功日莫若主 《宋元學案卷十五 穩實字一 工則日 I最難再則日難處總是教·

事皆要求 便不得也 - 間也若無事時目須見耳須聞或日當敬時雖見聞莫過焉 莫站足在動靜上又日思卽是已發非也思正是未發爲是 明日昞常患思慮不定或思一 不可此不誠之本也須是習習能專一 何若是大事如祭礼前旒蔽明莊穬充耳凡物之過者不見 已發未發屬動己發屬靜然總是一箇故著不得偏屬字 不畱否日不說道非體勿視勿聽勿者禁止之辭縫說勿字 之非 楊開沅謹案不出來處卽是未發愈知前云不發謂之中 或日當靜坐時物之過乎前者還見不見日看事 事未了他事如麻又生如 便好不拘思慮與應 何

問孟子言心出入無時如何日心本無出入孟子只是據操舍 是意也問意是心之所發否日有心而後有意 問孟子言心性天只是一 郑.更怎生尋所寓只是有操.而已操之之道敬以直內也 叉言未感時知心何所寓日操則存舍則亡出入無時莫知其 言之謂之性自存諸人言之謂之心又問凡運用處是心否日 問雜說中以赤子之心為已發是否日已發而去道未遠也日 **言之叉問人有逐物是心之逐否日心則無出入矣逐物是欲** 人之心若何曰聖人之心如明鏡止水 人不失赤子之心若何日取其純一近道也日赤子之心與 梓材謹案桑洲原本此下有前動靜之際一條个移入和 一大七里大路十五 一理否日然自理言之謂之天自稟受

學者先務固在心志有謂欲屛去聞見知思則是絕聖棄智 聖人之心未嘗有在亦無不在蓋其道合內外體萬物 虚虚謂邪不能入無主則實實謂物來奪之今夫瓶熙有水實 照是鑒之常難為使之不照人心不能不交感萬物亦難為使 欲屛去思慮患其紛亂則須是坐禪入定如明鑒在此萬物畢 ?不思慮若欲免此惟是心有主如何爲主敬而已矣有主 則雖江海之浸無所能入安得不虛無水于內則渟注之 言亦不屬意于已發說甚長詳明儒蕺山學案 用全屬不得意為心之所發也卽先生有心而後有意之 百家謹案運用處固是意正惟以意為心之主宰故能運 安得不實大凡人心不可二用用于 アクラミラネー E 事則他事

敬又焉有此患乎所謂敬者主一 不能ス 然天理明 則外患不能入自然無事 呂與叔嘗 面空疏盗固易入人無緣作得主定又如虛器入水水自然入 **欺不敢慢尚不愧于屋漏是皆敬之事也但存此涵養八之自** 且欲涵沉主一之義一則無二三矣言敬無如聖人之言易 人來未逐得西面叉一人至矣左右前後驅除不暇蓋其四 一器實之以水置之水中水何能入來蓋中有主則實實 ()者事為之主也事為之主尚無思慮紛擾之患若主于 言患思慮多不能驅除曰此正如被屋中禦寇東面 一之謂敬所謂一者無適之謂

或問思慮果出于正亦無害否日且如宗廟則主敬朝廷則主 莊軍旅則主嚴此是也若發不以時粉然無度雖正亦邪 人心作主不定正如 如懸鏡空中無物不入其中有甚定形不學則卻都不察及 所學便覺察得是為害著一 不得思量事不思量事後須强把他這心來心縛亦須 則頭頭是道橫說豎說只是一理 百家謹案前言虛實重虛字此言虛實重實字所謂得 箇形象皆非自然君實自謂吾得術矣只管念箇中字 不做一箇主怎生柰何張天祺皆自約數年自上著 アララミラ 中字亦何形象若愚夫不思慮冥然無 一箇翻車流轉動搖無須臾停所感萬端 **箇意思則與人成就得箇甚好** E

感然後發出來故雖白日所憎惡者亦有時見于夢也譬如水 見之者只為心中舊有此事平日忽有事與此事相感或氣相 戰之驗也持其志使氣不能亂此可大驗要之聖賢必不害心 為風激而成浪風旣息波猶洶湧未已也若存養久的人自不 問日中所不欲之事夜多見于夢此何故也日只是心不定今 疾其他疾卻未可知他臟腑只為原不曾養養之卻在修養家 此又過與不及之分也有人胸中嘗若有兩人爲欲爲善如有 惡以為之閒欲為不善又若有羞惡之心者本無二人此正交 ,所勞見事豈特一日之閒所有之事亦有數十年前之事勞 百家蓮案能養身則德潤身心廣體胖他臟腑似無所不

夢寐閲亦可以卜所學之淺深如夢寐顚倒是心志不定操守 是昏氣蔽隔夢不得也若孔子夢周公之事與常人夢別人于 聖人欲行周公之道故雖一夢寐不忘周公及其旣衰知道之 問人心所繫著之事則夜見于夢所著事善則夜夢見之者莫 不固 如此聖賢則無這箇學只有眹兆便形于夢也人有氣清無夢 者亦有氣昏無夢者聖人無夢氣淸也若人困甚時更無夢只 不害否日雖是善事心亦是動凡事有朕兆入夢者卻無害舍 八有四百四病皆不由自家則是心須教由自家 皆是妄動或日孔子嘗夢見周公如何日此聖人存誠處也 劉蕺山日病由自病醫由自醫 宋元學案卷十五

帥也 以心使心則可人心自由便放去也 **或日養心或日養氣何也日養心則勿害而已養氣則在有所** 氣有善有不善性則無不善也人之所以不知善者氣昏而塞 乙耳孟子所以養氣者養之至則清明純全而昏蹇之患去矣 不可行故不復夢見然所謂夢見周公豈是夜夜與周公語也 八心須要定使他思時方思乃是个人都由心日心誰使之日 劉蕺山日不是兩樣 百家謹案以心使心一 百家謹案孟子師說天地閒只有一 人有二心矣不若云心未能定聽其自由便放去也 語似未安一 **氣**充周生人生物 心聽使一心使心是

實可持循也佛氏明心見性以無能生氣故必推原于生 也心失其意則狂瀾橫溢流行而失其序矣養氣卽是養 即理也理不可見見之于氣性不可見見之于心心卽氣 復為春萬古如是若有界限于其間流行而不失其序是 其流行而有條理者即性也循四時之氣和則為春和盛 稟是氣以生心卽氣之靈處所謂知氣在上 絕皆是也至于參話頭則壅遏其氣使不流行離氣以求 氣之本其所謂本來面目父母未生前語言道斷心行路 心然言養心循覺難把捉言養氣則動作威儀且晝呼吸 而溫則為夏溫衰而涼則為秋涼盛而寒則爲冬寒衰則 心性吾不知所明者何心所見者何性也 ドラフトラスーエ | 也心體流行

肢四肢固是身所用只可謂身之四肢如四端固具于心然亦 問仁與心何異日心是所主言仁是就事言日若是則仁是心 之用否日固是若說仁者心之用則不可心譬如身四端如四 不動心有二有造道而不動者有以義制心而不動者此義也 不義也義吾所當取不義吾所當舍此以義制心者也義在 |而行之從容自中非有所制也此不動之異 使善哉 楊開沅謹案二者只分生歌非有異也 然而勿襲取助長以害之便爲善養豈因其不善而養之 楊開沅謹案氣有善不善此是伊川先生分氣質義理為 |性之根從此無往不與孟子異矣夫人生也直如其本

此通上下言之也如日若聖與仁則吾豈敢此又卻仁與聖兩 加若个人或一事是仁亦可謂之仁至于盡人道亦可謂之仁 病然措意未是安有知人道而不知天道者乎道一也豈人道 其極也聖人人倫之至也倫理也旣造倫理之極更不可以有 是陽氣發處卻是情也心譬如穀種生之性便是仁也 來事大故日何止于仁必也聖乎蓋仁可以通上下言之聖則 未可便謂之心之用或日譬如五穀之種必待陽氣而生日非 **大也大抵盡仁道者即是聖人非聖人則不能盡得仁道問日** 謂仁小而聖大殊不知此言是孔子見子貢問博施濟眾問得 叉問仁與聖何以異日人只見孔子盲何事于仁必也聖乎便 八有言盡人道謂之仁盡天道謂之聖此語何如日此語固無 宋元學案卷十五

中理在事義在心內苟不主義浩然之氣從何而生理只是發 問必有事爲當用敬否日敬只是涵養一 而見于外者且如恭敬幣之未將者也恭敬雖因威儀而後發 **則餘皆通如後人解易言乾天道也坤地道也便是亂道論其 亦不知道之言豈有通天地而不通于人者哉如止日通天之** 久與地之理雖不能此何害于儒天地人只一道也稱通其 ? 言可見矣楊子日通天地人日儒通天地而不通人日技此 則天尊地卑如論其道豈有異哉 人之性則能盡物之性能盡物之性則可以對天地之化育 **只知用敬不知集義卻是都無事也又問義莫是中理否曰** 道天道自是一 道中庸言盡己之性則能盡人之性能 事必有事爲須當集

也 者得也須是得之于己然後謂之德 孝不成只守一箇孝字須是知所以爲孝之道所以奉侍當如孝不成只守一箇孝字須是知所以爲孝之道所以奉侍當如 問敬義何別日敬只是持己之道義便知有是有非順理而行 見然類心有此恭敬然後著見若心無恭敬何以能爾所謂德 何温清當如何然後能盡孝道也又問義只在事上如何日內 是為義也若只守一箇敬不知集義卻是都無事也且如欲為 **著敬是義之體非有二也** 道内義以方外合內外之道仍是含敬無以爲義義是敬之 宗羲案此即酒養用敬進學致知宗旨所由立也然日敬以 理豈特事上求合義也敬以直內義以方外合內外之道 不乐元母菜卷十五

既外方能生浩然氣象人但看所養何如養得一 分便有一 問人敬以直內氣便充塞天地否日氣須是養集義所生積習 義與道若說氣與義自別怎生便能使氣與義合 氣體所充自是一件敬自是敬怎生便合得如日其為氣也配 **瀀得二分便有二分只將敬安能便到充塞天地處且氣自是** 楊開沅謹案伊川之說理氣分而為二 餒矣是也 地相似豈能充塞哉后渠言若無義道雖欲行之而無自 行之中有主宰也若無此主宰便不流行則餒而不與天 于天地之故言此無自能有條理而不橫溢謂之道義派 百家謹案配義與道一段師說云正釋上段氣之所以塞 一師說理氣合而爲

識取主一之義 也勿忘則是必有事也勿助長則是勿正也後言之漸重須默 必有事爲有事于此也勿正者若思此而日善然後爲之是正 都無事也且如欲爲孝不成只守著一箇孝字須是知所 伊川云有物始言養無物又養箇甚麽浩然之氣須是見 以爲孝之道所以侍養當如何然後能盡孝道也蓋有事 百家謹案孟子師說必有事爲正是存養工夫不出于敬 日敬而日有事者程子日若只守一 **箇物如卓爾罐如是也又云必有事雖不出于敬然不** 不同處只在此 一、宋元學案卷十五 敬誠中形外敬是空明之體若不能事事則 **箇敬不知集義卻是**

問見之知非德性之知物交物則知之非內也今之所謂博物 通養須用敬進學則在致知 多能者是也德性之知不假見問 **八道莫如敬未有能致郑而不在敬者** 口訣 劉蕺山日易言敬義此卻代以致知皆是不孤之學此程門 百家憶姜定庵先生問知之爲知之章先遺獻日有知有 夫須用善看故又日未有能致知而不在敬者 昏暗仍屬不敬程子涵養須用敬進學在致知是一 不知此麗物之知動者也爲知之爲不知此照心也麗物 一知有知有不知湛然之知則無乎不知也子路認此麗 **尽宋元學案卷十五** 古兰

他行事無義許多聰明睿知怎生得如他動容周旋中禮有諸 須是識在所行之先譬如行路須是光照 問忠信進德之事固可勉强然致知甚難日子以誠敬爲可勉 有之也且如中庸九經修身也尊賢也親親也堯典克明俊德 中必形諸外德容安可妄學如子所言是篤信而固守之非固 (親九族親親本合在尊賢上何故放在下須是知所以 且恁地說到底須是知了方能行事若不知只是覷了堯學 夫子豈向多寡上分疏所謂麗物之知湛然之知即此聞 見之知德性之知也 物者以爲知則流入于識神邊去此毫釐千里之差夫子 口道破點鐵成金矣若云由此而求之叉有可知之理

深知亦如此且如膾炙貴公子與野人莫不皆知其美然貴人 虎之猛可畏然不如他說了有畏懼之色蓋真知虎者也學者 自然樂循理性本善循理而行是循理事本亦不難但為人 便是泰然行將去也某年二十時解釋經義與今無異然思公 聞著便有欲啫膾炙之色野人則不然學者須是眞知機知得 曾為虎所傷因言及虎神色便變易有數人見他說虎非不知 知旋安排著便道難也知有多少般數煞有淺深向親見一 日覺得意味與少時自別 乙道方得未致知怎生得行勉强行者安能持久除非燭理即 、苟有朝聞道夕死可矣之志則不肯一日安其所不安也何 劉蕺山日古人只說眞知更穩似良知 アンプロリングラーニュ

心則自然別得之于心是謂有得不待勉强然學者則須勉强 其臨利害則不知就義理卻就富貴如此者只是說得不實見 事又不然若士者雕般之使為穿骸必不為其他事未必然至 若見得必不肯安于所不安人之一身儘有所不肯為及至他 止 古人有捐軀殞命者若不實見得鳥能如此須是實見得生不 重于義生不安于死业故有殺身成仁者只是成就一箇是 及其蹈水火則人皆避之是實見得須是有見不善如探揚之 只為不見實理實理得之于心自別若耳聞口道者心實不見 **丁執卷者莫不知說禮義又如王公大人皆能言軒冕外物及** 日須臾不能如曾子易簧須要如此乃安人不能若此者 一分ラ写名十五

問前世所謂隐者或守一節或惇一 被知見不通 如眼前諸人 知道則不肯守一節一行也如此等人鮮明理多取古人一 事專行之孟子日服堯之服行堯之行古人有敚一不義雖伊 丁道鮮自得也是以東漢尚名節有雖殺身不悔者只是不知 **大下不為則我亦殺一不義雖得天下不為古人有高尚隱逸** 、「肯就仕則我亦高尚隱逸不仕如此人則做效前人所為耳 宗羲案伊川先生已有知行合一之言矣 點意氣能得幾時了 切事皆所當為不待著意做職著意做便有箇私心 "特立獨行煞不難得只是要! / 15 正是 完全 | 11 八謂要力行亦只是漢近語人旣能知見豈有 行然不知有知道否日若 箇知見難人只

道地 問學何以有至覺悟處日莫先致知能致知則思一 聖纜思便睿以至作聖亦是一箇思故曰勉强學問則問見博 探淺地古人言樂循理之謂君子若勉强只是知循理非是樂 思日睿思慮久後睿自然生若于一事上思未得且別換一 不須勉强也若夫聖人不勉而中不思而得此又上 也幾到樂時便是循理為樂不循理為不樂何苦而不循理自 而知益明叉問莫致知與力行兼否曰為常人言才知得非禮 不可為須用勉强至于知穿骸不可為則不待勉强是知亦有 日人而後有覺也學無覺則何益矣又奚學為思日賓智作 事蓋人之知識于這裏酸著雖强思亦 日而愈明 一等事 事

也以無思無慮爲不思而自以爲得者未之有也 思無慮而得者何也以無思無慮而得者乃所以深思而得之 何以室其然日思而已矣學真貴于思唯思為能窒慾會子之 **也誘之而弗知則至于天理滅而不知反故目則欲色耳則欲** 孔子曰根也慾馬得剛甚矣慾之害人也人之為不善慾誘之 个深思則不能造于道不深思|而得者其得易失然學者有無 人思如湧泉汲之愈新 |省室愁之道也 t以至鼻則欲臭口則欲味體則欲安此則有以使之也然則 白家謹紫釋氏止于一 《未无學案卷十五 件上口取決不他換

學者先要會疑 所不免然未聞聖賢因學而致心疾者 **欲知得與不得于心氣上驗之思慮有得中心悅豫沛然有希** 者質得也思慮有得心氣勞耗者實未得也强揣度耳當有**^** 言此因學道思慮心虛日人之氣血固有虛實疾病之來聖賢 能知之後之君子唯無所不知是以容有不知也夫道有 先要會疑之旨最爲精切 信馬曷亦姑無以為知之也而姑疑之而姑思之乎發揮 本一而學有要是非之辨精矣義利之閒微矣斯吾未之能 顧認謹案王陽明先生日古之君子唯有所不知也而後 百家謹案深思之久方能于無思無慮忽然撞著 タン・ とことにいる・・・

心欲窮四方上下所至且以無窮置卻則得若要眞得直是體 道矣是何也以收其心而不放也 格猶窮也物猶理也猶曰窮其理而已矣窮其理然後足以致 則天埋滅矣故聖人欲格之 致知在格物非由外鑠我也我固有之也因物|而遷迷|而不悟 **郑不躺則不能致也物格者適道之始與欲思格物則固已近** 題事親理而天下之理得矣天下之理得然後可以至于聖人 君子之學將以反躬而已矣反躬在致知致知在格物 宗羲案收其心而不放即是敬朱子掇敬于格物之前已失 **顧認謹案此伊川先生格物宗旨認得宗旨都放過不得**

接事物而處其當然皆窮理也或問格物須物物格之還是格 窮理亦多端或讀書講明義理或論古个人物別其是非或應 **今人欲致知須要格物物不必謂事物然後謂之物也自一** 然後脫然有貫通處 顧子亦不能如此道須是今日格一件明日格一件積習旣多 乙中至萬物之理但理會得多相次自然豁然有覺處 物而萬物皆知日怎生便會該通若只格一物便通眾理雖 伊川之旨 姜定庵日若格得大頭腦處則萬物自知以物異而理同也 劉蕺山曰所謂今日一 而言亦須格在吾身上後人引為話柄過矣 《宋元學集卷十五 件明日一件蓋指上講明義理三 身

生知者只是他生自知義理不待學而知縱使孔子是生知亦 親物理以察己旣能燭理則無往而不識天下物皆可以理照 若致知則知識當目漸明不曾見人有一件事終思不到也知 問觀物祭已還因見物反求諸身否曰不必如此說物我一 識之多則理明然人全在勉强也 問人有志于學然知識被錮力量不至則如之何日只是致知 有物必有則一物須有一理 「求之性情固是划于身然一草一 的彼即曉此合內外之道也語其大至天地之高厚語其小 明則力量自進問日何以致知日在明理或多識前言往行 一物之所以然學者皆當理會又問致知先求之四端如何 一元・山岳を発して 一木皆有理須是察 理

名既欲知舊物又不可鑿空撰得出須是問他先知者始得 學英貴于自得非在外也故曰自得 或問如何學可謂之有得日大凡學問聞之知之皆不為得得 窮理窮至于物理則漸久後天下之物皆能窮只是一 何害于學如問禮于老耼訪官名于郯子何害于孔子禮文官 日得者所守固而自信者所行不疑 日別其次須以義理涵養而得之 八患事緊累思慮被只是不得其要要在明善明善在乎格物 須默識心通學者欲有所得須是篤誠意燭理上知則穎悟 美定庵日所以貴識大頭腦 一般有信人者有自信者如七十子之于仲尼得他言語 オラ号名を十五

則乙為 誰做 學者不可不通世務天下事譬如一家非我爲則彼爲非甲爲 便終身守之然未必知道這箇怎生是怎生非也此信于人者 也學者須娶自信旣自信怎生奪亦不得 **宝笛知天下無一物是合少得者不可惡也** 一惡多事或人憫之世事雖多盡是人事人事不敎人做更貴 八主心不定視心如宼賊而不可制不是事累心乃是心累 八事者曷嘗似賢忙迫 學者忙迫先生問其故日欲了幾處人事日某非不欲周 杆材灌案原本此下有謝良佐與張釋說一條今移入上 一、宋元事案卷十五 干干

局而已常愛杜元凱語若江海之浸膏澤之潤瘓然水釋怡然 修養之所以引年國祚之所以耐天死命常人之至于聖人皆 是好笑不曾見富人說金如此 卻只在此 个之學者如登山麓方其迤逦莫不閙步及到峻處便逡巡 了者好語局正如貧子說金說黃色堅輕道他不是又不可只 一自是實事後之學者好高如小人遊心于干里之外然自身 一夫到這裏則有此應 |順然後為得也今之學者往往以游夏為小不足為然游頁) 學者優柔厭飫有先後次第今之學者卻做一場說話務 一事卻總是實如子路公西赤言志如此聖人許之亦以

親改變 **類者大抵須是自强不息將來插養成就到聖人田地自然氣** 問人于議論多欲己直無舍容之氣是氣不平否日固是氣不 較事大小其究為枉尺直轉之病 **月釜斛之量有鐘鼎之量有江河之量江河之量亦大矣然有** 與蛤蟆嬴本非同類為其氣同故就則肖之又況人與聖人同 **不待學然聖人必須學** |而知之學而筑之亦是才問生而知之要學否日生而知固 有涯亦有時而滿惟天地之量則無滿故聖人者天地之量 亦是量狹人量隨識長亦有人藏高而量不長者是識質未 大凡別事人 こここれをシャー・ 八都强得惟識量外强不得今人有斗筲之

抵六尺之軀力量只如此雖欲不滿不可得且如人有得一 安聞謝元破苻堅對容圍恭報至不喜及歸折屐齒終强不得 **晋日王随德行李淑文章當時以德行稱名窐甚重及爲相有** 必出皆天資之量非知道者也昔王隨甚有器量仁宗賜飛戶 **滿雖有先後而卒不免譬如器盛物初滿時尚可蔽護更滿則** |高後便動了人之量只如此古人亦有如此者多如鄧艾位 一公年七十處得甚好及因下蜀有功便動了言姜維云云謝 聖人之量道也常人有量者天養也天資有量者須有限大 人求作三路轉運使王薄之出聞言當時人多驚怪到這裏 八大醉後盆謹者只盆恭便動了雖與放肆者不同其 官而滿者有改京官而滿者有入兩府而滿者

一、朱一万尊李龟十五

學既久能變化得氣質則愚必明柔必强蓋大賢以下卽論才 爲酒所動一 **攻問人有恥不能之心如何日人恥其不能而爲之可也恥其** 能有多少技藝人有身須有才聖人忘己更不論才也 **大賢以上即不論才聖人與天地合德與日月合明六尺之軀** 才雖加勉强止可少進而鈍者不可使利也惟理可進除是積 一雖與驕傲者不同其為位所動一也然难知道者量自然宏 不能|而掩藏之不可也問技藝之事恥己之不能何如日技藝 人有日誦萬言或妙絕技藝此可學否日不可大凡所受之 不勉强而成个人有所見卑下者無他亦是識量不足也 梓材謹菜原本此下有思权部置僕夫一條今移為附錄 也又如貴公子位益高益謙卑只益謙卑便是動 一片立具是是十五

神是極妙之語 **勉之而已人安可嫉人之能而諱己之不能也 須道是形而上者形而上者則是密也** 个能安足恥為士者當知道己不知道可恥 也恥之何如亦只 **大下無質于理者 〈語及太虛先生日亦無太虛遂指虛日皆是理安得謂之虛** |三立則||之名亡矣 了陰陽更無道所以陰陽者是道也陰陽氣也氣是形而下 陽之謂道之意所以二字要善理會 陽者是道也猶云陰陽之能運行者是道也卽易一陰一 百家謹樂離了陰陽更無道此語已極直截又云所以陰 ノカラとうえる

道就為大性為大干里之遠數千處之久其所動靜起居隨若 動者謂之情凡此數者皆一也聖人因事以制名故不同若此 稱性之善謂之道道與性一也以性之善如此故謂之性善性 或調許大太虛先生謂此語便不是這裏論甚大與小 問窩飛屍天魚躍于淵莫是上下一理否曰到這裏只是點頭 而後之學者隨亥析義求奇異之說而去聖人之意遠矣 之本謂之命性之自然者謂之天性之有形者謂之心性之有 識之精從敦化而見川流即可從川流而見其畫一 地與必有事焉而勿正心勿忘同意 **江謂嶌飛魚躍渾是率性全無一毫意必程子謂活潑潑** 百家謹案生生之體洋溢兩問流行之機通徹無礙察者 パラムロ単いきでもに、一工 聶雙

論性不論氣不備論氣不論性不明 构汤此豈水之性哉人性中只有四端又豈有許多不喜的事 然無水安得波浪無性安得情也 也問性之有喜怒猶水之有波否曰然湛然平靜如鏡者水之 安得情又問喜怒出于外如何曰非出于外感于外而發于中 問喜怒出于性否曰固是穖有生識便有性有性便有情無性 動物有知植物有知其性自異但賦形于天地其理則 日之近人之性則亦大矣噫人之自小者亦可哀也夫人之性 一矣然時而思之則于里之遠在乎目前數干歲之久無異數 也及遇沙石或地勢不平便有湍激或風行其上便有波濤 也而世之人皆日吾何能爲聖人是不自信也其亦不察乎 月ブ写写光一 Ŧ

也 若是毀鑿壞了豈關才事下面不是說人皆有是四者之心或 溺其心者非關才事才猶言材料曲可以為輪直可以為棟梁 日人材有美惡豈可言非才之罪日才有美惡者是舉天下言 也如俗言性急性緩之類性安有緩急此言性者生之謂性也 性相近也習相遠也性一 分處乃若其情則可以為善若夫為不善非才之罪此言人陷 乙也若說一人之才如因富威而賴凶處而桑豈才質使之然 同言性善也聖人就有生以後氣質用事雜糅不齊之中 百家蓮案子劉子論語學案解性相近章性相近猶言相 一知下愚不移是性否日此是才須理會得性與才所以 THE CONTRACTOR SECTION 一也何以言相近日此只言氣質之性

遠是尋丈如兩人面貌相像畢竟種種不同安得為近且 些子不得今說習相遠亦只差些便了難說相近是一尺 **夫道一而已矣于萬人千萬世較量只是一箇若是彷彿** 章性解紛紛只是模一近字記云執柯以伐柯其則不遠 相違便是善與利之閒差之毫釐繆以千里矣此箇爭差 **煛而視之猶以為遠此近之說也兩下只作一處看故日** 其遠而亟返之則遠者復歸于近即習卽性性體著矣此 于氣質之中氣習用事各任其所習而往或相倍蓰什佰 指點粹然之體此無嗇彼無豐但人生有氣質此性若囿 干萬無算此豈性之故哉夫習雖不能不歧乎遠然苟知 **所謂近果醫平惡乎善惡混乎善只是一箇惡亦是一** 「コファルー」

恐人混性于習故判別兩項分明若此日相近云者就兩 氣質之性孟子言性是義理之性愚謂氣質還他是氣質 習上看不就性上看以氣質言性是以習言性也聖人正 **濟濁厚薄不同是氣質** 如何扯著性性是氣質中指點義理者非氣質卽爲性也 **也說者謂孔子言性只言近孟子方言善言一** 是一箇如說無善無惡則近在何處蓋孔子分明說性善 之性義理之性分析後便令性學不明故說孔子言性是 有善有惡便是天淵豈有善惡總在一 可以為善可以為不善有善有不善之說至荀卿值日 八尋性善相同也後人不解相近之說始有無善無不善 一定之分為習所從出者氣質就 一處者如說惡則惡 只為氣質

「ここころ」 なりまし こ

道不可移不得性只一般豈不可移卻被他自暴自棄不肯去 變否日可孔子謂上知與下愚不移然亦有可移之理惟自暴 問人性本明因何有蔽日此須索理會也孟子言人性善是也 雖有楊亦不知性也孟子所以獨出諸儒者以能明性也性無 自棄者則不移也日下愚所以自暴棄者才平日固是也然卻 不善而有不善者才也性即是理理則自堯舜至于塗人一 **1 稟于氣氣有淸濁稟其清者爲賢稟其濁者爲愚叉問愚可** 所從出似不盡然胎敎以前氣質由于習旣生以後則有 楊閘沅謹案蕺山云氣質就習上看則可若以氣質爲習 楊子善惡混種種濫觴極矣 習由于氣質者然究竟氣質由習而成者多 《朱万塔第卷十王 地

學故移不得使肯學時亦有可移之事 義理之性也將一性歧而二之不知性者從氣質中指其 其中之生意為性蓋性之善由才之善而見不可言性善 才矣今夫麰麥播種能抽芽發穗結質成熟者其才也就 義理之名義理無氣質從何托體氣質無義理不成人類 之性孔子之言近言上知下愚氣質之性也孟子之言善 性學之葛藤最難剖斷于是後儒遂謂有氣質之性義理 悬實不可移將謂才無不善降無爾殊乎嗟乎此從來言 而後才善也又惡可言性善而才有不善也然而上知下 百家謹案孟子云非天之降才爾殊也又云乃若其悔則 可以為善矣若夫為不善非才之罪也明明言無不善之

質不善然而知愚賢不肖生來不等者天命至精著于生 粹然至善者也及其有所赋于或成而人或成而物就人 陰陽天命之流行尚未著于人物其時道體之沖和於穆 氣質義理一物也即一性也試為從本言之易傳不云乎 之氣質得陰陽天命之全而性善爲是性者因氣質而有 生意顧然成象便是質如何將一粒分作兩項日性善氣 之也如將一粒麥種看生意是性生意默默流行便是氣 也有是氣質而後有是性則性之善亦因無質之善而善 **姓麥落地而有肥磅雨露人事之不齊說不得麰麥之** 初當其在胎之時卽有習染所以古人有胎教之言如此 朱元學業卷十五

後為不善故凡言善惡皆先善而後惡言是非皆先是而後非 性卽理也所謂理性是也天下之理原其所自未有不善喜怒 **哀樂之未發何嘗不善發而中節則無往而不善發不中節然** 言吉凶皆先吉而後凶 劉蕺山日性卽理也卽伯子所謂天理 孟子之言性善亦是據人性言之不以此通之于物也若 謂人物皆稟天地之理以爲性人得其全物得其偏便不 須理會單為人性言之則可欲以該萬物之性則不可即 有習矣總之于天命之性無與也 百家謹案孟子師說程子性卽理也之言认得清楚然極 不同也孔子言智相遠習不僅在墮地之後其在胎時即 一下工艺艺艺十五

問舍則亡心有亡何也日否此是說心無形體機主著事時便 統體天以氣之精者生人粗者生物雖一氣而有精粗之 中其理亦全物之此心已絕豈可謂偏者猶在乎若論其 **殘忍牛犬之頑鈍皆不可不謂之性具此知覺即具此性** 晦翁言人物氣猶相近而理絕不同不知物之知覺絕非 **判故氣質之性但可言物不可言人在人雖有昏明厚薄** 有偏全人雖桀紂之凶惡未當不知此事是惡是陷溺之 是夫所謂理者仁義體智是也禽獸何當有是如虎狼之 理也其不得與人同者正是天之理也 之異總之是有理之氣禽獸之所稟者是無理之氣非無 八之知覺其不同先在乎氣也理者純粹至善者也安得 グラアをライーコ

也對放其良心者言之則謂之道心放其良心則危矣惟精惟 在這裏纔過了便不見如出入無時莫知其鄕此句亦須要人 **郧不能無是以生但戕賊之以滅天耳始則不知愛物俄而至** 心生道也有是心斯有是形以生惻隱之心人之生道也雖桀 **理會心豈有出入亦以操舍而言也放心謂心本善而流于不** 是放此 八心惟危道心惟微心道之所在微道之體也心與道渾然 所以行道也 翔正形容舍則止也 在操之有要耳敬以直内操之之法也出入無時莫知其 百家謹案心之為物靈明不測出入之易而保守之難惟 7大元學聚卷十五

是性外有物始得 道也在天為命在人為性論其所主為心其實只是一 天地之閒只有一箇咸與應而已更有甚事 能通之以道又豈有限量天下更無性外之物若曰有限量除 于忍安之以至于殺充之以至于好殺豈人理也哉 **乙氣苟不通之以道安得無限量孟子日盡其心知其性心卽** 又問心之妙用有限量否曰自是人有限量以有限之形有限 同人之形體有限量心有限量否日論心之形則安得無限 駭為特創耳 顧疑謹案傅習錄日心即理也與心即道也如出一 明先生因後人求理于事物故屢屢提掇此義不知者遂 一箇道荷 口陽

面將一 |寂然不動感||而遂通此已言人分上事若論道則萬理皆具更 蘇季明問中之道與喜怒京樂未發謂之中同否曰非也喜怒 寂然不動萬物森然已具感而遂通感則只是自內感不是外 待人旋安排引出來教入塗轍旣是塗轍卻只是一箇塗轍 沖穆無眹萬象森然已具未應不是先已應不是後如百尺之 小說感與未感 **不自根本至枝葉皆是一** 屋上架屋矣 楊開沅謹案此段發明道器一貫最為明白知此則理生 件物來感于此也 Mark a mark amendes a se s **貰不可道上面**一 段是無形無兆卻

|喜怒哀樂未發之前更怎生求只平日涌養便是涵養人則喜 喜怒哀樂發時固當勉强裁抑于未發之前當如何用功日千 一時則可若言求中于富怒哀樂未發之時則不可又問學者千 凡物本有本末不可分本末為兩段事酒埽應對是其然必有 怒哀樂自中節或日有未發之中有旣發之中日非也旣發時 呂學士言當求于喜怒哀樂未發之前信斯言也恐無著摸如 樂永發之前求中可否曰不可旣思于喜怒哀樂未發之前求 便是和矣發而中節固是得中只是將中和來分說便是和也 之又卻是思也旣思卽是已發便謂之和不可謂之中也又問 **哀樂未發是言在中之義只一箇中字但用不同或日喜怒哀** 何而可日看此語如何地下若言存養于喜怒哀樂未發之

人朱元學案卷十五

所以然 般高遠說故舉孝弟是于人切近者言然今時非無孝弟之人 問行狀云盡性至命必本于孝弟不識孝弟何以能盡性至命 易日閑邪存其誠閑邪則誠自存而閑其邪者乃在于言語飲 事就孝弟中便可盡性至命至如酒埽應對與盡性至命亦是 **地日後人便將性命別作一般事說了性命孝弟只是一統的 食進迟與人交接而已矣** 統的事無有本末無有精粗亦被後來人言性命者別作 善仍是一 楊開沅謹案大學物有本末似兩段事然合之總完一 以然亦得 是也即云修齊治平是其然格致誠正是其所

而不能盡性至命者由之而不知也 心之上一層方機是性有性而後有情故以孝弟爲行仁 **水盛德大業皆原于此故曰仁之本集註爲仁猾曰行仁** 非而後見其爲仁義禮智非是先有仁義禮智而後發之 **也恭敬之心禮也是非之心智也蓋囚惻隱羞惡恭敬是** 外無性氣外無理如孟子曰惻隱之心仁也羞惡之心義 之本不可為仁之本李見羅道性編皆發此意想以為心 謂性中只有箇仁義體智曷當有孝弟來蓋以孝弟屬心 氣聚成形無一物帶來而愛親敬長最初只有這些子後 百家嘗憶姜定庵先生問孝弟爲仁之本先遺獻日凡人 為惻隱羞惡恭敬是非也人無此心則性種斷滅矣是故 宋 宋 无 學 案 卷 十 五 --

峻宇雕牆本于宮室酒池肉林本于飲食淫酷殘忍本于刑罰 曷之用二簋可用享損者損過而就中損乎末而就本實者聖 窮兵黷武本于征伐凡人欲之過者皆本于奉養其流之遠則 以減飲為本多儀備物所以將飾其誠敬之心飾過其誠則為 偽矣損飾所以存誠也故云曷之用二簋可用享二簋之約可 人以軍儉為禮之本故損發明其義以享祀之禮其文最繁然 用享祭言在乎誠而已誠為本也天下之害無不由末之勝也 劉嶯山日心齋又加簡有所見 子日盡性至命必本于孝弟孰訓孝弟不可爲仁之本與 理生氣之說其弊必至于語言道 《宋元學案卷十五 一断心行路絕而後已程

嘗有好惡也世之人固有怒于室而市于色儿如怒一 怒也譬如明鏡好物來時便見是好惡物來時便見是惡鏡何 若此則甚易何待頗氏而後能曰只被說得粗了諸公便道最 問不遷怒不貳過何也語錄有怒甲不遷こ之就是否日是日 為害矣先王制其本者天理也後人流于末者人欲也損之義 役物小人役于物今人見有可喜可怒之事自家著 易此莫是最難須是理會得因何不遷怒如舜之誅四凶怒在 四凶舜何與焉蓋因是人有可怒之事而怒之聖人之心本無 已是煞然知義理若聖人 人欲以復天理而已 說話能無怒色否有能怒一 八因物而未管有怒此英是甚難君子 人而不怒別人者能忍得如此 一人對那

淪肌浹體如春和意思何況義理然窮理亦當知用心緩急但 粉祭之悅我日玩理以養心如此蓋人有小稱意事稱喜悅有 有恐懼心亦是燭理不明亦是氣不足須知義理之悅我心猶 視聽言動非體不為即是禮禮即是理也不是天理便是私欲 罪己責躬不可無然亦不當長酉在心胸爲悔 端在心监病也 此亦勞矣聖人心如止水 難有意于為善亦是非理無人欲即皆天理 勞而不知悅處豈能養心 疑病者事未至時先有疑端在心周羅事者先有周羅事之 人處世別見事無可疑處多少快活 こここん きょこっし

心 敬即便是禮無已可克 要息思慮便是不息思慮 公則 大抵人有身便有自私之理宜其與道難 《多思處不能自算只是做他心主不定要作品 而化則已與理一 非理之旨 要存箇善念即是日光之下添然 矣譬如日光被雲來遮蔽雲去光己復矣若惡念旣去叉 **碩提蓮案傳習錄日旣去惡念便是善念便復心之本體** 私則萬殊至當歸 **《另**页學第卷十五 川無己 精義無三 一人心不同如面正是私 燈此有意為善亦是 手

而誅之舜何與焉人不止于事只得攬他事不能物各付物則 **水孟子曰惻隱之心仁也後人遂以愛為仁惻隱固是愛也愛** 已言惻隱之心仁之端也旣日仁之端則不可便謂之仁退之 日博愛之謂仁非也仁者固博愛然便以博愛爲仁則不可 ? 役物為物所役則是役于物者物必有則須是止于事 一于事為人君止于仁之類如舜之誅四凶四凶已作惡舜從 不能祛思慮只是吝吝故無浩然之氣 心之德愛之理自是無病 百家謹粜孔子亦日愛人以愛為仁恐不在後人也仁者 在此諸公自思之將聖賢所言仁處類聚觀之體認出 自是性豈可專以愛為仁孟子言惻隱為仁蓋謂前 にことはを表して P. C.

問愛人是仁否伊川日愛人乃仁之端非仁也某謂仁者公而 仁之道要之只消道一公字公郎是仁之理不可將公便喚做 仁公而以仁體之故為仁只為公則物兼照故仁所以能恕所 口矣伊川日何謂也日仁者能愛人能惡人伊川日善插養 公能愛恕則仁之施愛則仁之用也 意稍傷不知人皆有不忍人之心只說仁的一端因就仁 端也說者以爲端緒外見耳此中仍自不出來與仁也語 人錯看了叉以誣仁也因以孟子誣中庸未發爲性已發 推義禮智去故日四端如四體勻下一般說得最分明後 百家謹案嵌山語錄惻隱之心仁也叉日惻隱之心仁之 爲情雖喙長三尺向誰說蓋子劉子意以仁義禮智之性 アクラミタネーコ

與个之心豈或異哉知與不知而已个學者苟知大本則視天 故鄉至中並適遇族兄者俱抵旅舍異居而食相視如塗入彼 關其意味有不可言並竊有一 喻个有人爲久寓遠方一日歸 問先生前日教某思君子和而不同某思之數日便覺胸次開 **卟猶一家亦自然之理也先生日此乃善喻也** 川川 八也彼之弟公之族弟某人也旣歡然相從無有二心向之心 **郑爲族弟此豈知爲族之兄邪或告日彼之兄公之族兄某** 性之情不得與性對此開闢以來之特解須細心體會 性體無動靜非未發為性已發為情中和盡過性也情者 由惻隱羞惡辭讓是非而名故惻隱卽仁也時位有動靜 一不仁則二

學者爲氣所勝習所奪只可資志 **問學者須志于大何如日志無大小且其說道將第一等讓于** 許大事亦動他不得蓋有一 絲髮氣在則志猶在也 生倦得人只為氣勝志故多為氣所使人少而勇老而怯少而 差等不同其自小則 別人且做第二等才如此說便是自棄雖與不能居仁由義者 **廉老而食此為氣所使者也若是志勝氣時志旣一定更不可** 目謂不能者自賊者也謂其君不能者賊其君者也 邓曾子易箦之時其氣之微可知只為他志已定故雖死生 顧諟謹案王陽明先生日凡一 毫私欲之萌只責此志不 八或倦怠豈志不立乎日若是氣體勞後須倦若是志怎 也言學便以道為志言人便以里為志

欲以飢其心而止乃安不獲其身不見其身也謂忘我也無我 艮其背不獲其身行其庭不見其人无咎人之所以不能安其 聖人不記事所以常記得个人忘事以其記事不能記事處事 具背所見者在前而背乃背之是所不見也止于所不見則無 **止者動于欲也欲牽于前而求其止不可得也故艮之道當艮 小精皆出于養之不完固** 場一出而魍魎潛消也 立志之地故遺志之功其于去人欲有如烈火之燎毛太 立即私欲便退聽一 便消除蓋無一息而非立志貴志之時無一事而非貴志 一毫客氣之動只貴此志不立即客氣 其所而已 則悖聖人所以能使天下順治非止為物作則也难使之各得 得其所也止而不得其所則無可止之理矣夫子曰于止知其 如是而止乃得止之道于止為无咎也 仁臣止于敬萬物庶事莫不各有其所得其所則安失其所 (其所止其所也艮其止謂止之)而止也止之而能止者由止 2也在背則雖至近不見謂不交于物也外物不接內欲不剪 | 謂當止之所也夫有物必有則父止于慈子止于孝君止 **湿藏于密即艮其背也** 百家謹集閩林氏兆思專言艮背之學謂聖人以此洗心 **乏道行其庭不見其人庭除之閒至**

嚴威儼恪非持敬之道然敬須自此入 前則學之至也 君子之學在于意必固我旣忘之後而復于喜怒哀樂未發之 **閉那則誠自存故孟子言性善皆由內出只為誠便存閑邪更** 八于天地閉並無窒威處大小使活 ·不善于不善中尋箇善來存著如此則豈有入善之理只是 那則誠自存不是外面捉一箇誠將來存養个人外面役役 所謂不淫不移不屈曾有絲毫窒礙否 梓村謹案原本此下有尹焞當請一條个移為附錄 MATERIAL THE AND ELL TO ALL

著甚工夫但唯動容貌整思慮則自然生敬敬只是主 開邪則固 如是則只是內存此則自然天理明白學者須是將敬以直內 記中說君子莊敬日强安肆日偸蓋常人之情糗放肆則日就 **凋養此意直內是本** 之于儀形有是持養者有是修飾者 則旣不之東又不之西如是則只是中旣不之此又不之彼 這但酒費外之天理自然明白 至有箇省覺處一百四十三字與百家案語个移併和端梓材灌案原本此條自然明白下有先生日初見伊川時 者無他只是嚴肅整齊則心便一 矣主 《朱元學集卷十五 一則不消閑邪有以一為難見不可不下一 則自無非解之 也 主

蓋素敬也如人接物以誠人皆曰誠人蓋是素來誠非因接物 問出門如見大賓使民如承大祭方其未出門使民時如何日 乎外者出乎中者也使民出門者事也非因是事上方有此敬 **曠蕩纜檢束則日就規矩 忘敬而後無不敬 居敬卽自然簡居簡而行簡則似乎太簡矣然乃所以爲不 巾始有此誠也儼然正其衣冠尊其贍퀝其中自有箇敬處雖** |無狀敬自可見 | 儼若思之時也當出門時其敬如此未出門時可知也且見 劉載山日主 乃打破敬字 でた元多を出した 一之謂敬心本有主主還其主便是生一今日 毛

蓋先有心于簡則多卻一簡字矣居敬則中心無物是乃簡也 有뜛急不容如是之迫觀天地之化乃可知 學者須恭敬但不可令拘迫拘迫則難久也 問人之燕居形體怠惰心不慢可否日安有箕踞而心不慢者 心也故有匪正則爲過眚旣已无妄不宜有往往則妄也 者天之道也天之化育萬物生生不窮各正其性命乃无妄也 涵養吾一 **志道懇切固是誠意若迫切不中禮則反為不誠蓋實理中自** 人能合无妄之道則所謂與天地合其德也无妄有大亨之理 利在貞正失貞正則妄雖無邪心苟不合正理則妄也妄乃邪 无妄元亨利貞其匪正有告不利有攸往无妄者至誠也至誠

1 17 二ノモニ・ラフィー・ニコ

妄之義耕農之始穫其成終也田一歲日苗三歲日畬不耕而 心意之所造作也如是則為无妄不妄則所往利而無害也。 **穫不菑而畬謂不首造其事而因其事理所當然也首造其事** 所欲為者乃妄也故以耕稜菑畬譬之六二居中得正又應九 穫與菑是也蓋耕則必有穫菑則必有畬是事理之當然耳非 則是人心所作爲乃妄也因事之當然則是順理應物非妄也 五之中正居動體而柔順爲能順乎中正乃无妄也故極言无 作合乎風氣之宜未嘗先時而開之也若不待時則一 / 畫為矣豈待累聖繼作也時乃事之端也聖人隨時而為也 聖人制作以利天下者皆造端也豈非妄乎曰聖人隨時制 不耕穫不菑翁則利有攸往凡理之所當然者非妄也人 プランコル からこ こし E. 聖人

道理故賢者常失之過不肖者常失之不及 聖人與理為一 也自漢以來無人識權字 男女不授受中也在丧祭則不如此矣 問君子時中莫是隨時否曰是也中字最難識須是默識心通 稷之世為中若居陋苍則不中矣居陋苍在顏子之時為中若 漢儒以反經合道為權故有權變權術之論皆非也權只是經 非中而國之中為中推此類可見矣且如物初寒時則薄裘為 且試言一 二過其門不入則非中也或曰男女不授受之類皆然曰是也 ·在盛寒;而用初寒之裘則非中也更如三過其門不入在禹 廳則中央為中一家則廳非中而堂為中一國則堂 八井一万學等着十五 故無過不及中而已矣其他皆是以心處這箇

楊墨過不及遂于過不及二者之閒執之卻不知有當摩頂放 問舜執其兩端與湯執中如何日執只是一 **浩然之氣須是見一箇物如顏子如有所立卓爾孟子言躍如** 踵利天下時有當拔一 而不用易執中而不失將以用之也若子莫執中卻是子莫見 孟子養氣 **也卓爾躍如分明見得方可** 只是養氣之法如不識怎生養有物始言養無物叉養簡甚麼 無異 葉六桐日權乃是一 宗羲案伊川此段與明道識仁之意相合又日昔有問浩然 章諸君潛心玩索須是實識得方可勿忘勿助長 大七多条第一五 一定不移之物 毛利天下不為時執中而不通變與執 一箇執兩端是執持 毛尘

學也者使人求于內也不求于內而求于外非聖人之學也何 精微言多則愈粗 語高則指遠言約則義微大率六經之旨循蓄無有精粗欲言 謂不求于內而求于外以文為主者是也學也者使人求于本 古之學者爲己其終至于成物今之學者爲人其終至于喪己 道無精粗言無高下 也不求于本而求于末非聖人之學也何爲不求于本而求干 末攷詳畧採同異者是也是二者皆無益于吾身君子弗學 **八經之言在涵蓄中默識心通** 之氣塞乎天地何處見得周海門曰何處見不得此卽鳶飛 魚躍察乎上下之意然非勿忘勿助活潑潑地如何見之 ラフルディフィーニコ

文字上 古之學者先由經以識義理蓋始學時畫是傳授後之學者卻 意便不足其始作此二書文字旣而思之又似賸只有先儒錯 誤 須先識義理方始看得經蓋不得傳授之意云耳如易繫辭所 然思慮儘悠悠 解義理若一 以解易今人須看了易方始看繋餅 會處卻待與整理過善學者要不為文字所拘故文義雖解錯 論語孟子只詳讀著便自意足學者須是玩味若以語言解著 **向道理可通行者不害也** 一無問暇終是少工夫然思慮則儘不廢于外事雖奔迫 向龔醫策何由得居之安資之深不惟自失兼以 未元學案卷十五 罕

簡造化天尊地卑乾坤定矣鼓之以雷霆潤之以風雨是也 安有識得易後不知退藏于密 問窮神知化由通于禮樂何也日此句須自家體認 古者八歲入小學十 《由有上 樂亡不知禮樂未嘗亡也如國家一 須要識得問明則有禮樂幽則有鬼神何也曰鬼神只是 至爲不道者然亦有體樂蓋必有總屬必相聽順乃能爲盜 然則叛亂無統不能 宗義案橫看側看面面皆山 材蓮案原本此下有尹焞偶學漢書一條今移爲附錄 一下尊卑之分也除是禮樂亡盡然後國家始亡雖盜 五入大學擇其才可教者聚之不肖者復 日相駁而爲盜也禮樂無處無之學 日存時尚有一 人往往見 日之禮

養若士大夫之子則不慮無養雖庶人之子則亦必有養古之 **仕者自十五入學至四十方仕中閉自有二十五年學又無利** 汲汲趨利之意何由得向善故古人必使四十而仕然後志定 敬以直內有主于內則虛自然無非僻之心如是則安得不 己若更去向上盡力求必得之道是惑也 八營衣食卻無害惟利祿之誘最害人 八多說某不教人習畢業某何當不教人習畢業也人若不習 一業而筀及第是責天理而不修入事但畢業旣可以及第卽 田畝蓋士農不易業旣入學則不治農然後士農判在學之 和靖學案又范淳夫之女及有患心疾一條移為附錄梓材產業原本此下有伊川與和靖論養命一條今移 《宋元學案卷十五 i 聖

為水有兩物而必相須者如心無目則不能視目無心則不能 爲此語雖近似常人所論然持之必別 必有事爲須把敬來做件事看此道最是閱最是易又省工 心則能盡 心具天德心有不盡處是天德處未能盡何緣知性知天盡己 **众地安有内外言天地之外便是不識天地也人之在天地如** 心緣境出入無時人亦不覺 多言天地之外不知天地如何說內外外面畢竟是简甚若 外則須是似有簡規模 物而可以相離者如形無影不害其成形水無波不害其 八盘物與天地參贊化育贊則直養之而已

陰陽于天地閒雖無截然為陰為陽之理須至參錯然 **截然不相接厮侵過便是道理天地之閒如是者極多艮之為** 天地之間有者只是有譬之人之知識聞見經歷數十年一日 殺升降之分不可無也 語默猶晝夜晝夜猶死生死生猶古今 **義終萬物始萬物此理最妙須玩索這箇理** 靜中便有動動中便有靜 問張子曰陰陽之精互藏其宅然乎曰此言甚有味由人如何 **有水離物不得故水有權之象火能入物故火有坎之象** 几氣參和交感則生不和分散則死 **陽生卻須陡寒正如欲明而反暗也陰陽之際亦不可** 箇生

驚怒皆是主心不定 多際多怒多憂只去一 视天理亦須放開意思開闢得心胸便可見 念之了然胸中這箇道理在那裏放著來 忿欲忍與不忍便見有德無傷 匹夫悍卒見難而能死者有之矣惟情欲之牽妻子之愛斷而 **ע然不動便是聖人** 天之賦與謂之命稟之在我謂之性見于事業謂之理 入圭黃鐘全沖和氣 、慈者鮮矣 (夢不惟聞見思想亦有五臟所感者 宋光學案卷十五 事所偏處自克克得一件其餘自正

思慮不得至于苦 雖公天下事若用私意為之便是私 致知但知止于至善如為人子止于孝為人父止于慈之類不 向火矣又豈須道更將敬于水以助之猶之有人曾到東京又 譬之敬父矣又 豈得道更將敬兄助之如今端坐 附火是敬干 忿懥怒也治怒為難治懼亦難克己所以治怒明理所以 **自言養氣可以為養心之助日敬則只是敬敬字上更添不得** \. 患乎概怯者蓋氣不充不素養故也 惠著兩件物不得 到西京又曾到艮安若一處上心來則他處不容參然在心 百家蔻案養氣養心原是一 宋元學案卷十五 事分不得兩件

解心 **适道深後雖開常人** 須外面只務觀物理泛然正如遊騎無所歸也 則亦聖人而已矣 八皆可以至聖人而君子之學必至于聖人而後已不至于聖 而後已者皆自棄也孝其所當孝弟其所當弟自是而推之 人小丈夫不合小了他本不是惡 **乙長須激昂自進中年以後自至成德者事方可自安** 左 大 問 陰 陽 一 本 林 謹 案 原本 样材謹案此下有尹彦明問于程子一條移為附錄 一生便是自桑自棄 八言語淺近莫非義 條並移為附錄 理

今之學者歧而爲三能文者謂之夾士談經者謂之講師惟知 古之强有力者將以行體个之强有力者將以作臥 感處多責人應處少 理所得漸多則自然知得客氣消散得漸少消盡者是大賢 **莪理與客氣常相勝叉看消長分數多少為君子小人之別義 坚人之責人 也常 緩只是欲事正無 顯人過 惡之意 聖人 貴己** 只外面有些罅縫便走了 古之學者爲己个之學者爲人古之仕者爲人个之仕者爲己 任養熟然後泰然行將去 几德最好 應為總是非道

學有所得不必在談經論道閒當于行事動容周旋中禮者 學者多酸于解釋註疏不須用功课 **賣善之道要使誠有餘而言不足則于人有益而在我者自無** 之而人不受則柰何日與之居而不告其過非忠也要使誠意 門人有言日吾與人居視其有過而不告則于心有所不安告 學彪者考文必求先王之意得意乃可沿革 聖人凡一 道者乃儒學也 之交通于未言之前則言出而人信矣 梓材謹案此下有蘇季明一條移入呂花諸儒學案 言便全體用

誠然後敬未及誠時卻須敬而後能誠 《內之得有淺深外之來有輕重內重則可勝外之 富貴為賢者不欲卻反人情 業不患妨功惟患奪志 以見誘之小 、此義宜此事親仁之實從兄義之實須于 (于天下事自不合與只順他天理茂對時育萬物 偏處發便是致曲去性上修便是直養然同歸于誠 日無妄亦無誠 减不欺其次矣 さられるだっし 1 道中別出

君子之逃事無巨細一 而無失即為中也 · 狄不可棄也然則執事敬者固為仁之端也推是心而誠之 而無失便是喜怒哀樂未發之謂中也被不可謂之中但敬 能動人只是誠不至于事厭息皆是無誠處 則自然無累不誠則有累 · 憂勞中其心則樂安靜中卻有至憂 奇非敬也要之非敢慢而已語曰居處恭執事敬雖之 物失所便是天理謂中也 、分ラ母芸名十五 于敬而已簡細故以自崇非敬也飾私

世之人務窮天地萬物之理不知反之一 容智皆由此出以此事天發帝故中庸言鬼神之德雄而終之 孟子謂必有事爲而勿正心勿忘勿助長正是者意忘則無物 以微之顯誠之不可揜如此 地自位萬物自育氣無不和四靈畢至此體信達順之道聰明 勿忘勿助必有事焉只中道上行 心廣觀作動容周旋中體自然可見惟慎獨便是守之之法聖 孔子言仁只說出門如見大賓使民如形大祭看其氣象便須 人修己以敬以安百姓篤恭而天下平唯上下一 人之明猶日刀不可過也過則不明 一所存鮮或知之善學者取諸身而已自 AND LOCAL DE LA SANDAL P. 身五臟六腑毛髮筋 一身以觀天地 一于恭敬则天

學佛者多要忘是非是非安可忘得自有許多道理何事忘 限界那大畧家必有廟廟必有主月朝必薦新時祭用仲月冬 家多忽此厚于奉養而薄于先祖甚不可也某當修六禮原注 誠自定則心正始學之事也 **所務于窮理者非道須盡窮了天地萬物之理又不道是窮得** 之禮當厚于奉生者人家能存得此等事幼者可漸使知禮說 至祭始祖立春祭先祖季秋祭禰忌日遷主祭于正寢凡事死 「昏喪祭心之大者今人都不理會豺獺皆知報本今士大夫 **郑在格物物來則知起物各付物不役其知則意誠不動意** 理便到只是要積累多後自然見去 《朱元學案卷十五 人只被為物所役便是苦事多若物

閱機事之久機心必生蓋方其閱時心必喜旣喜則如種下種 敬則自虛靜不可把虛靜喚做敬 泥坑裏便事事轉動不得沒著身處 各付物便役物也世人只寫一 泥 術之書後生看慣即便下著毒種多致後日有喪身敗德 之事教子孫者不可不蒙養以正 昏迷拘泥所以為物所役能自己轉動得人便不昏迷拘 百家離案此眞為至言然不唯機事凡吳陳刑名以及權 百家謹案學佛者之忘是非正為有許多道理所以要忘 齊在那昏惑迷暗海中拘滯机

聞便是陰陽老氏言虛而生氣非也陰陽開闔本無先後不可 往來只是理不必將既屈之氣復為方伸之氣生生之理自然 氣則便是二言開聞已是感既二則便有感所以開閩者道開 **也事為之主尚無思慮紛擾之患若主于敬又焉有此患乎所 理須如此有生便有死有始便有終 月形明日有影有便齊有** 道今日有陰明日有陽如人有形影蓋形影一時不可言今日 **大凡人心不可二用用于一事則他事更不能入者事為之主** 不息如復言七日來復其閉元不斷續陽已復生物極必返其 陰 取諸身百理皆具屈伸往來之義只于鼻息之閒見之屈伸 陽之謂道此理固深說則無可說所以陰陽者道旣只 宋元學案卷十五 型当

之事也 學者不泥文義者又全背卻遠去理會文義者又滯泥不通如 **謂敬者主一之謂敬所謂一** 官事君之道如何也又如萬章問舜完廩浚井事孟子只荅他 了濯猯子為將之事孟子只取其不背師之意人須就上面理 **(意人須要理會浚井如何出得來完壞叉怎生下得來若此** 一學徒費心力 則無二三矣至于不敢欺不敢慢尚不愧于屋漏皆是敬 **承卷十五**終 者無適之謂一 且欲涵沉主

宋元學案卷十二 非禮勿動四者身之用也由乎中|面應乎外側乎外所以養其 失也因箴以自警 伊川學案下 **朗淵問克己復禮之目孔子曰非禮勿視非禮勿聽非禮勿言** --也顏獨事斯語所以進于聖人後之學聖人者宜服膺而勿 **箴井序** 餘姚黃宗義原本 黃東發日視聽言動筬在由中應外制外養中兩語 男百家纂輯 べたに動きたギート 後學慈谿馮雲濠校刊 **鄞縣王梓材重校**

心兮本虚 **薇**変于前 其中則遷 應物無迹 定之準 陳北溪曰心之爲體其中洞然本無一 **磁指物欲之私而言** 心虛靈知覺事物機觸即動而應無蹤迹之可尋捉處 **理亦未當有形狀也** 人之接物視最為先卽此處而操存之庶乎得 有要視為之則 アクラミュラネー 物只純是理而已然 其要而有

克己復禮 制之于外以安其内 八而誠矣親策 有棄弊本乎天性 上以一 物欲克去于外則無以侵撓吾內而天理寧定矣 逐之而去矣 誠者眞質無妄之理也克復工夫眞積力久則私欲淨蓝徹 陳北溪日人均執此常道而生其原于天之所賦而人受之 中指心之體而言卽天理之謂也物欲之蔽接于前則心體 一節言此以全體言 于誠純是天理之流行而無非仁矣 17 (11ml 52/4.1 1/

卓彼先覺 遂亡其正 **炉誘物化** 知止有定 事事物物各有所當止之處卽理之當然者是也能一 與之相忘如一而無彼我之閒也 其然則此心明敞于日用應接皆有定理不為之誘而化矣 知指形氣之威而言物欲至而知覺萌遂為之引去矣化則 悟此理之全而體之者 正以理言至是則天理俱滅而無復存矣 以爲性者也 メラ馬多名コン 郑

非禮勿聽雖策 發禁躁妄 開那存誠 八心之動因言以宜 疾而動曰躁虚而亂曰妄人之為言大概不出此二者皆^ 于外 陳北溪日一念之動于中或善或惡必由言以宣之則後見 總結之 欲之所為也故必禁之 心者徹表裏 **邓者物欲之私誠者天理之實開外邪不使之入則所存于** 人朱元學案卷十六 于誠純是天理之流行而仁矣 \equiv

別是樞機 內斯靜專 興戎出好 傷易則誕 百凶榮辱惟其所召 静安專 門之闢闔所繁在樞弩之張弛所繫在機人心之動有善惡 與戎則凶而辱出好則吉而榮 由言以宣之而後見于外是亦人之樞機也 言非禮則有躁妄而起爭言以禮則無躁妄而生愛 此一句為一篇之關要處 皆天理之所存也外不躁則內靜外不妄則內專

非法 不道 出悖來違 傷煩則支 口肆物件 궄 傷煩而支則不合正理所出者悖而來亦違矣內何復專去 云 傷易而誕則無有成法在已者肆而與物忤矣內何復靜之 煩者多數之謂妄則傷于煩支猶木之枝從身之旁而逆出 易者軽快之 乃煩中之失也 不未是學案卷十六 謂躁則傷于易誕者欺誑之謂而易中之病也 四~

欽哉訓辭言箴 法謂先王之法言 誠之于思 哲人知幾 志士厲行 陳北溪日幾者善惡欲動而未形之閒其兆甚微哲人心通 欽謂敬謹所出而無躁妄也 本然者流行無壅矣 理明能燭于其先 見于所行之謂行志士激厲能勇于有行 念微動而未形之閉便己知覺而質之 無妄則天理之

造次克念 守之于為 順理則裕從欲惟危 雖急遽苟且之時亦必誠之于思則其涵養之功密矣 由分其發軔之始九不可以不謹之也 中故穃逐人欲之私則易陷于下故危此正舜跖二路之所 常恐懼戒謹守之于為則其操存之力篤矣 結上文二者之動雖微顯不同然循天理之公則皆無餒五 為事動之已著者也至此方知覺而守之不放則事亦中 而無過舉矣 I SELECTION OF THE PARTY OF

聖賢同歸動策 既生矣外物觸其形而動于中矣其中動而七情出爲日喜怒 **哀懼愛惡欲情旣熾而益蕩其性整矢是故覺者約其情使** 習與性成 不習而近也然則顏子所獨好者何學也學以至聖人之道也 人之門其徒三 子所好何學論 自賢入聖同 人可學而至與日然學之道如何日天地儲精得五行之秀 習慣如自然則莫非天理之流行而仁熟矣 人其本也兵而静其未發也五性具爲日仁義體智信形 / 朱元學条卷十六 一千獨稱顏子為好學夫詩書六藝 歸宿即其止于至善之地者也 H 1

善未嘗不知知之未嘗復行也此其好之篤學之之道也視 道在乎信道篤信道篤則行之果行之果則守之固仁義忠信 至于邪解特其性而亡之故日情其性凡學之道正其心養其 **事則日非禮勿視非禮勿聽非禮勿言非禮勿動仲尼** 不離乎心造次必于是顯沛必于是出處 得一善則拳拳服膺而弗失之矣又日不遷怒不贄 知其性反而誠之聖人也故洪範日思日睿容作聖誠之之 則居之安動容周旋中體而邪僻之心無自生实故顏子听 行以求至所謂自明而誠也故學必盡其心盡其心則知其 中正而誠則聖矣君子之學必先明諸心知所養然後 プランスススカート 語歌必于是久而弗 柳 過有

之也非化之也以其好學之心假之以年則不日而化矣故仲 學而知也後人不達以謂聖本生知非學可至而爲學之道遂 言動皆避矣所異于聖人者聖人則不思而得不勉而中從容 所欲不踰矩是也或日聖人生而知之者也今謂可學而至其 尼日不幸短命死矣蓋傷其不得至于聖人也所謂化之者 有稽乎日然孟子日堯舜性之也湯武反之也性之者生 不可知之謂神顏子之德可謂充實而有光輝矣所未至者 **乙者也反之者學而知之者也又日孔子則生而知也孟子** 丁神|而自然不思|而得不勉|而中之|謂也孔子日七十|而從心 道顏子則必思而後得必勉而後中故日顏子之與聖人 息孟子日充實而有光輝之 謂大大而化之之謂聖聖 プララミタネ

先生母夫人有知人之毉二先生功時勉之讀書因書發帖, 附錄 失不求己而求諸外以博文强記巧文麗辭為工榮華其言鮮 有至于道者則今之學與顏子所好異也 工後皆敏夫人已知之于童穉中矣躬道动時 口吾惜勤讀書兒文並書二行前日殿前及第程延壽次日處 劉蕺山曰此伊川得統于濂溪處 不肖者由母職其過而父不知也行而或賠則日汝若徐 有所怒必為之寬解难諸子有過則不掩當日子之所以 百家灌案 行寧至踣乎嘗緊奠日泑求稱欲長當何如與人爭忿雖 一程母夫人侯郡君好讀書博知古今一 一程父

無問尊卑長幼莫不肅然補 先生入門而左獨行至法堂上相會先生自謂此是某不及家 **輕筵承受張茂則嘗招講官啜茶觀證先生日吾平生不啜茶** 兄處蓋明道和易人皆親近先生嚴重人不敢近也 有疑笑日我將謂天命之謂性便應疑了伊川直是謹嚴坐閒 程隨侍太中知漢州宿一 直不右日患其不能屈不患其不能伸在廬陵公宇多怪 家人報日有鬼執扇日天熱爾他日又報日鬼鳴鼓日與 《朱元學案卷十六 名公解中庸至人莫不飲食鮮能知味 僧寺明道入門而右從者皆隨之

常已而及岸同舟有父老問日當船危時君獨無怖色何也曰 貶涪州渡江中流船幾覆舟中人皆號哭先生獨正襟安坐如 先生被謫時李邦直尹洛令都監來見伊川才出見之便請上 明日差人管押成行至龍門邦直遣人贐金百星先生不受旣 心存誠敬爾父老日心存誠敬固善然不若無心先生欲與之 **鸭先生欲畧見叔毋亦不許莫知朝命云何是夜宿于都監聽** 伊川涪陵之行過艷瓶波濤中舟人皆失措伊川 百父老徑去不願 有樵者鳳聲問日舍去如斯達去如斯方欲答之而舟已行 人宋元學案卷十六 **儿凝然不動岸**

賀正乃日某今年有一債未還當暫往顯昌見持國乃往造爲 韓公稚與二先生善屈致于顏昌暇日同游西湖命諸子侍行 如所戒試啟之日頤與乃翁道義交故不遠而來奚以此爲詰 生遠來無以爲意我當有黃金藥楪一重三十兩似可爲先生 先生與韓公雜約候韓公年八十一 **灭有言貌不莊敬者伊川囘觀厲聲此之日汝輩從長者行敢 哭語如此韓氏孝謹之風衰矣韓遂皆逐去之** 朝遂歸持國謂其子日我不敢言正為此耳再三謝過而別 壽未敢遽言之我當以他事使汝侍食從容道我意彬叔侍食 **人畱潁川韓早晚伴食體貌加敬一日韓密謂其子彬叔日先** 問何為不受日渠是時與某不相知豈可受 往見之是歲元日因子弟

問先生此書可觀否先生畱半月| 日請日前日所呈雜說如 **崇寧三年謂張思叔日吾受氣甚薄三十而寖盛四十五十而** 何先生日某在何必觀此若不得某心只是記得他意和靖自 也天下之貧者亦眾矣公帛固多恐公不能周也 呂汲公以百縑遺伊川伊川辭之時族兄子公孫在旁謂伊川 @薄而厚為保生邪先生默然日吾以忘生徇欲為深恥 和靖年二十始登先生之門當得朱公掞所鈔雜說呈先生 勿為已甚姑受之伊川曰公之所以遺頤者以頤貧也公為 不敢復讀 相能進天下之賢隨材而任之則天下受其賜也何獨頤食 Tend of Smill and all a 一年校其筋骨無損也思权日先生豈以受氣

親撰諸經則關中諸公分去以頤說撰成之禮之名數陝西諸 便是已有也若論隨力量而有見處則不無其人也他尋將去不錯了已是忒大縣若夫自得九難其人謂之得者 公删定 朝旣在朝廷則當行之朝廷不當為私書旣遭憂又病疾數年 ~始無事更 ~ 先生會定六禮今已成未曰舊日作此已及七分後被召 有少進耳其後寢疾始以授和靖思叔 有得者先生日豈敢便道有得處且只是指與他箇蹊徑令 傳成書已久學者莫得傳授或以為請曰自量精力未衰尚 万學者從先生旣久有歸者或問日學者久從學于門誰 送呂與叔與叔今死矣不知其書安在也然所定 一年可成也日間有五經解已成否日惟易須

が分う母弟名十六

静坐獨 **鲜于侁問顏子在陋巷不改其樂不知所樂者何事先生日** 樂便 之名敷若禮之文亦非親作不可也 [顏子所樂者何侁日不過是說所樂者道先生日若有道 見人靜坐便歎其善學 問陰陽不測之謂神伊川日賢是疑了問是揀難底問 不是顏子鄒志完曰伊川見處極高 **小難居廣居應天下為難** |此事本不易承當然不教人 一夫
心 理賢卻發得太早在伊川直是會鍛鍊說 伊川日近日事如何對日天下何思何慮伊 7 不承當亦不得

靖日莫只是樂否伊川日樂亦沒處著 范淳夫之女寶孟子至出入無時語人日孟子不識心心豈有 思权詬詈僕夫伊川日何不動心忍性思叔慚謝 尹彦明問于程子如何是道程子曰行處是 尹焞當請日焞今日解得心廣體胖之義伊川正色日何如和 出入先生問之日此女雖不識孟子卻能識心 尹焞偶學虞耆伊川日賢那得許多工夫 可馬温公呂申公嘗言于朝日程頤之爲人言必忠信動遵禮 有患心疾見物皆獅子伊川教之以見即直前捕執之無物也 是疾迷愈 棉材灌案以上入條本在語錄以有實指移入于此 ノオブはまるコン

術通古今治亂之要有經世濟物之才非同拘儒曲士徒有偏 制禮作樂之具實天民之先覺聖代之眞儒也 朱光庭又言曰程頤道德純備學問淵博有經天凝地之才有 **胡文定公言于朝日伏見元祐之初宰臣秉政當國急于得4** 呂申公叉言日程頤年三十四有特立之操出羣之資洞明經 與其兄類俱以德名顯于時 長使在朝廷必為國器 **義理者多必有嘉言以新聖聽** (日頤抱道養德之日外)而潛神積慮之功深靜]而閱天下之 · 卡 元學 矣 密十六 土

羅爲雖崇罕閒曲加防禁學者私相傳習不可遏也其後頤之 浸廣士大夫爭相猝礪而其閒志于利禄者託其說以自售學 合乎義其修身行法規矩準繩獨出諸儒之表門人高弟莫或 莫能別其眞偽而河洛之學幾絕矣自是服僑冠者以伊川 **| 矣夫聖人之道所以** 人妄自標榜無以屈服士人之心故眾論洶洶深加詆說 可得而問也及當官而行舉動必由乎禮奉身而去進退必 如楊時劉安節許景衡馬伸吳給等稍稍進用于是傳者 伊洛之學者皆欲屏絕其徒而乃上及于伊 南處士程頤乞加召命擢以不次遂起韋布超居講筵 / ラニノミュラ 垂訓萬世無非中庸 3 固

也然孔孟之道不傳久矣自頤兄弟始發明之|而後其道可學 學宜以孔孟為師庶幾言行相稱可濟時用此亦不易之至論 說此誠不可易之至論也然中庸之義不明久矣自頤兄弟始 愈不得其門而入矣今欲使學者蹈中庸師孔孟而禁使不得 而至也不然則或以六經語孟之書資口耳取世資以干利於 **贺明之然後其義可思而得也不然則或謂高明所以處己中** 八用于諸經語孟則發其微旨而知求仁之方入德之序然 **) 所以接物本末上下析為二途而其義愈不明矣士大夫之** 以明象而知體用之一 (願之學是入室而不由戸也不亦誤乎夫頗之文于易則因 一言怪語淫說鄙論豈其文也哉頤之行其行已接物則忠誠 一源于春秋則見諸行事而知聖人之

75 こまちなこ。

揮哀集遺書便于學者傳習別翼六經以推算仲尼孟子之 動于州里其事親從兄則孝弟顯于家庭其辭受取舍非其道 呂氏童衆訓日伊川賞言今僧家讀一卷經便要一卷經中道 孟子云仁者人也補 |者愛也愛惟仁之| 端然喜怒哀懼愛惡欲情也非性也故 一受用儒者讀書卻只閱讀了都無用處補 日宿州高朝奉述伊川先生嘗說義者宜也知者知此者也 **「邪說者不得乘閒而作而天下之道術定豈日小補之哉** 者節文此者也皆訓詁得盡惟仁宇古今訓詁不盡或以為 (同爾然則幅巾大袖高視閣步豈其行也哉伏望特降指 介不以取與諸人雖豫之千鍾有必不顧也其餘則亦 サード分う馬等をコン

汪玉山與朱子書日伊川于濂溪若止云少年當從學則無害 得之言之又不免作夢 **丁元氣也顏子景星卿雲也孟子有泰山嚴嚴氣象自非以** 日康節子孫大抵不取程子蓋私意也種 日伊川妙處全在要人力行所以不欲苦言用意深者當自 安能別白如此 1伊川言性即理也與橫渠言心統性情此二句頗破不 說話如今看來中閒寧無小小不同只是大綱統體 《宋 元學案卷十六)學自獎履中入於能深識聖賢氣象如 丰

病不切 黃東發日伊川十八上暫仁宗問應時而出自比諸葛其後應 **菜水心習學記言日程氏視聽言動箴其辭緣其理散舉雜** 句便是 致欺夫由也看 中問程 極善如性即 **祖望謹案此言太過** 穑 千萬世說性之根基是箇公共底物事不解會 矩步子瞻脫岸破崖氣盛心粗知德者鮮矣夫子 伊川粹然大儒何故使蘇東坡竟疑其好朱子答 理也 卻 不是壞了著修 讀之外無他說不特其時至處易而然 語直是孔子後惟是伊川

暮出城し夜方至者爲邵傅迨晦庵朱先生始訪其事爲年譜 鱼責備果春秋意邬然無元祐諸賢恐不待靖康而後南渡雖 其位當其可則固未易輕言也若三學看詳反為體部所駁則 賢一時為天下救急有不柰何恐不可赦小人而反資君子耳 蓋時與位旣不同而哲宗尚効惟以培養爲急耳其他論濮議 又日明道之殁伊川狀其行求銘于韓持國而文潞公題其墓 伊川歿洛人畏嵩瀾送喪惟四人日張釋范域孟厚尹焞叉薄 南渡未必人心戴朱如此 **本朝文密之弊固難與俗吏言久矣** 臼伊川嘗言今日之禍亦是元祐做成愚謂理亦有此但諸 演葬代呂公著上神宗書無不深切著明然則天下事非得 Vacabile was added to

較穩實其云性即理也自是身親經歷語 辞敬軒日伊川為講官以三代之上望其君從與否則在彼而 吳草廬日夫修己以敬吾聖門之教也然自孟子之後失其傳 已其肯自貶以徇之哉 王程子乃復得之遂以敬之一字爲聖傳心印程子初年受學 **丁周子周子之學主靜而程子易之以敬蓋敬則能主靜矣 八桐日明道不廢觀釋老書與學者言有時偶舉示佛語伊** 1 伊川經筵疏肯格心之論三代以下為人臣者但論政事 而已未有直從本原如程子之論也 1日叔子篤信蓮守其規模自與伯子差別然見到處更 、朱元學朱卷十六

老子亦嘆其猶龍何曾染得孔子 即偶資其灌溉終不能變桃為本亦不必有意深絕也孔子子 夠祖石日先生之在經經哲宗可謂敬信之甚矣但進說于 百家離粜朱子云釋老者後來須看不看無緣知他道理 摘卣取二程語錄中之微近高渾者并誣兩先生鐵屬瞿 證謂儒釋判然吾本既立惡能為異即舉其語所以取之 異也乃茫眜者述引以爲儒釋軍同之左勞更有妄子贈 異妄加此駁置方寸于岑樓者何多也 深毫不識儒釋之根柢本是天淵隔絕强取先儒說同說 切屛除雌莊列亦不看其實儒釋之根本歷殊下種旣異 **壓之異學此其蚍蜉撼樹本不足言但奧世風之變對日** た心思は多十七 H

君之前自當擇其大者柳枝之諫為哲宗所不悅由是見疏宜 平呂正獻聞而樂息此言之太瑣也 直內義以方外合內外之道蓋恐學者作兩項工夫用也合 敬字未盡益之以窮理之說而日酒養須用敬進學在致知 敬然亦唯恐以把持為敬有傷于靜故時時提起伊川則以 自局元公主靜立人極開宗明道以靜字稍偏不若專主于 說故朱子日明道宏大伊川親切大程夫子當識其明使中 宗羲柴明道伊川大旨雖同而其所以接入伊川已大變其 敬無以為義義是敬之著敬是義之體實非有二自此旨一 和處小程夫子當識其初年之嚴毅晚年又濟以寬平處是 叉日只守一箇敬字不知集義卻是都無事也然隨日敬以 アンフミーススイーフ

人之異學者不可不致智爲 輪孤翼有一偏之義矣後之學者不得其要從事于零星補 立至朱子又加詳爲于是窮理主敬若水火相濟非是則隻 換而支權之患生故使明道而在必不爲此言也兩程子接 層想謂豈特視漢居為然風氣日開議論日精練浴之言 根柢發揮幾理之精微議者謂比漢唐諸儒說得向上 得藏論之正建二程得周子之傳然後有以窮極性命之 年中開唯職仲舒正誼男道二語與韓文公原道一篇爲 百家職裝黃文潔公日自孔孟歿役異端粉擾者干四百 雖孔孟亦所未發特推其旨要不越于孔孟云耳此評論 乙得當者而居一 廠櫃謂明道之學 一天人合內外已打 一 宋 元 学 朱 卷 十 大 -

文正司馬淚水先生光別為凍水學業 正獻呂晦权先生公著別為范呂請備學集 川學侶) 師韓持國先生維別見 市呂諸儒學集 從避履入非聖人之書不親其功在于密祭邊耳至于大 此祖知先生消費須用散進學在敦知而忘卻先生未有 **敦知而不在敬者之語恋未是裸知先生者也蓋語學至** 成一片而伊川是教又要窮理工夫似未合併的欠一 程之表大學中庸先生之易傳更足為萬世經術斗杓也 一程觜儲之中更酵乎其酵矣第大程質性高明而先生

既足下由輕以求道勉之又勉吳日見卓爾有立于前然後不 **輕所以載道也誦其言解其訓詁而不及道乃無用之糟粕耳** 勝祖西為墓道碑先生少與伊川遊書問往來積數十帖有日 方元笨字道輔莆田人父峻聚徒講學整并舍傍禱日願子孫 如乎之舞之足之蹈之叉日足下非混俗之流其志道之士朱 **于刻于白鹿曹院其後日伊川先生德盛言重不輕與人令其 正字朱樂圓先生長文**別見泰山學案 獻公張橫是先生載別為橫葉學業 推官方先生元寀災峻 正獻范華陽先生祖馬別為華陽學案 一人というないという

軍節度推官參道南源委 程端中字□□伊川長子舉進士南渡後徙家池州建炎中知 姪昺編次其遺文俾後之學者觀其經備之通明論議之純一 伊川家學 **序伊川文集日不肖孤旣無以嗣聞斯道姑用記其言且又使** 課屬之宏深出處之完潔雖于先生之道未能備見其純全亦 六安軍事金人攻六安先生固守城破死之池州都統制程全 香脊如此則方公之賢可知也元祐三年以特科出身終威武 **¥其骨葬于池**参一就志 知軍程先生端中 一月ラ月日夕名

監場謝上祭先生良佐別為上蔡平衆 文站楊越山先生時別為風山學案 校計本端伯先生額並為到李諸儒學案 縣个程先生雕別見和靖學業 庶幾馬 別用再傳 先生大忠 別為周山學案 州為荣陽學案

秘監李章真先生朴別見范呂諸儒學案 能圖池元長先生沖別見華陽學業 博士蘇先生啊別見日花諸儒學案 忠閉許橫塘先生景衡別為周許褚備學案 者作王嗣清先生蘋別為農澤學案 提刑郭兼山先生忠孝別為兼山學案 修撰邵子文先生伯温別見百源學案 正字呂藍田先生大碑並為呂范諸備學案 簽判田先生述古別見安定等案 肅公尹和靖先生學別為和靖學朱 正字周浮沚先生行己 月月日夕を一一

伊川私収 呂先生義山別見呂范諸儒學案 御史陳默堂先生淵別為默堂學茶 忠公鄉道鄉先生浩並為陳都諸儒學索 文定胡武夷先生安國別為武夷學案 文質羅豫章先生從彥別為豫章學案 清節蕭二顧先生楚別見范許消傷學案 楊先生國寶別見王張諸儒學案 忠肅陳了齊先生瓘 太學楊先生迪別見龜山學案 梓材謹案程門弟子自別見諸學案外並見劉李諸儒學

刀氏家學 親使劉拜山先生子輩別見劉胡商係學案 潘先生安固並見周許諸儒學案 學錄張草堂先生煇 縣令方先生未別見劉胡諸儒學案 正字方次雲先生霧別見震澤學案 羅先生陳並見和靖學案 教授羅先生靖 學正趙先生霄 上舍蔣先生元中 上含蔡先生元康 ア分丁写写着十二

張特立字文舉曹州東明人初名那避金衞紹王諱易今名登 泰和三年進士第授萊州節度判官不赴躬耕杞之韋城談經 伊川續傳 到肅宇太卿號佚庵洺州人金與定初詞賦進士界官戸部主 ·致仕先生性舒緩有執守當集諸家易說日讀易備忘後 金亡依東平嚴實元中統初擢吳定宣撫使後商議中書名 方先生禾並見滄洲諸儒學案 邢图公諡文獻参姓請。 判官張中庸先生特立 文獻劉佚庵先生肅 一辆方先生壬

學易記序 李簡宇蒙齋信都人官泰安州通判著學易記九卷同上 年緊事記從黃氏補本錄入 官金亡優游田里日與門弟子講學世祖在潛邸首傳旨日特 自樂正大四年以薦拜監察御史屢劾權貴左遷邳州軍事判 **令通買然後卻有用心處時先生易傳未出也及溫陵曾獻之** 位復降璽書襃渝卒年七十五素通程氏易所著有易集說歷 伊川先生嘗云學易者當看王輔嗣胡翼之王介甫三家文字 **小及學者宗之宜錫嘉名以光潛德可賜號日中庸先生旣卽** |養素邱園易代如一今年喪七十研究聖經誨人不倦無過 通判李宗斎先生簡 | 宋元學案卷十六

集大易粹言傳于世則學者知有所宗而三家之說不無去取 楊彬夫所集五十家解單孤所集二十家解讀之謬說暗異前 說百餘條及得胡安定王荆公南軒晦庵誠濟諸先生全書及 所得隨即曹之以待他年讀之驗其學之進否比遷東平積謬 異大抵張與王意在省文劉之設心務歸一說僕之所取寧失 有王輔嗣與粹言而已諸家之說未見也六百日之閒節取粹 乙多以俟後來觀者去取僕居來無幾二載常時所讀之易止 **| 凡三度前賢之說或中心有所不安則思之夜以繼日脫有** 一天書始成然人之所見不能盡同其去取之閒則亦不無稍

採諸人之意合為一 **身記重加去取而付諸梓獲 삔廁于其閒者己未處承乏体泰安山城事少遂取向所集學** 隱君趙江漢先生復別見督齊學案 者時中統建元庚申歲也 样材蘸果張李二先生並振黃氏稿本增入 |有二||三私心始原自信个卷中凡無名字者 プラブーラスペー 一說不能主名亦或有區區管見輒不自揆 餐獎謗皆由此書他日必有能辨